

Gielddaráđđehus

Áigi 28.01.2026 klo 11:00 – 19.45

Báiki Hybridačoahkkinn, gielddadálu váldostivrasále dahje teams-heivehus

Giedahallon áššit

§	Bajilčála	Siidu
§ 1	Čoahkkima lágalašvuohta ja mearridanváldi	3
§ 2	Beavdegirjji dárkkisteaddjiid válljen	4
§ 3	Bargoortnega dohkkeheapmi	5
§ 4	Dili birra oanehaččat	6
§ 5	Ruhtadili birra oanehaččat	7
§ 6	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
§ 7	Váldostivrra 17.12.2025 čoahkkima ollašuhttin	9
§ 8	Gielddaráđđehusa giđa 2026 čoahkkimat	10
§ 9	Ovddidanhoavdda virggi deavdin	11
§ 10	Bušehta ollašuhttinráva	12
§ 11	Gielddaráđđehusa vuollásaš boadusovttadagaid mearreruhtajuohku, rehkegiid vuostáváldin ja dohkkeheaddjiid nannen	13
§ 12	Stáhtaruhtaministeriija mearrádus gielddaid vuodđobálvalusaid stáhtaossodagas ja ruoktogieldabuhtadusa vuodđooasis jahkái 2026	14
§ 13	Stivrenrávanuppástus, čuvgehusdoaibma	15
§ 14	Stivrenrávanuppástus, ovddidan- ja birasdoaibma	18
§ 15	Gáregasnjárgga boares dearvvasvuodadálu vuovdin	19
§ 16	Asunto Oy Rievanradnu lanjadaga vuovdin	20
§ 17	Vistebuvttadeami ovddidanguovlu Gieddemiellis	21
§ 18	Skohtermádii Sullamintie - Mantojärvi	24
§ 19	Doaibmaorgánaid mearrádusat	28
§ 20	Áššit diehtun	29
§ 21	Spiehkkanlohpeohcamuš bearašdálu huksema várás	31

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Moilanen Mateusz	várreságadoalli	
	Hekkanen Eemeli	lahttu	
	Länsman Vesa	lahttu	
	Länsman Lávra	lahttu	
	Heikurainen Laura	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Tapiola Sari		
	Rasmussen Riikka		
	Niittyvuopio-Valle Laura		
	Konttinen Pirjo		
	Länsman Nilla-Pekka		
	Lukkari Sammol		
	Guttorm Urho		
	Kontio Oskari		
Eará	Kontio Päivi	gielddahoavda	
	Länsman Marja	beavdegirjedoalli	
	Orti-Berg Riitta	dulka	

Vuolláičállosat

	Vuokko Tieva-Niittyvuopio ságadoalli	Marja Länsman beavdegirjedoalli
Giedahallon áššit	1 - 21	
Beavdegirjji dárkkisteapmi	Ohcejogas 28.1.2026	
	Lávra Länsman beavdegirjji dárkkisteaddji	Mateusz Moilanen beavdegirjji dárkkisteaddji

Beavdegirji dollojuvvo albmosis

Gielddadállu, guovddášdoaimmahat 04.02.2026

Minna Lukkari
Almmuhantávvala dikšu

Gielddaráđdehus

§ 1

28.01.2026

Čoahkkima lágalašvuohta ja mearridanváldi

Gr 28.01.2026 § 1

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Boddu dii. 11.05-18.05. Bottu maŋŋá ságadoalli čađahii nammačuorvuma.

Gielddaráđdehus

§ 2

28.01.2026

Beavdegirjedárkkisteaddjiid välljen

Gr 28.01.2026 § 2

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin välljejuvvuiga Lávra Länsman ja Mateusz Moilanen.

Gielddaráđdehus

§ 3

28.01.2026

Čoahkkima bargoortnega dohkkeheapmi

Gr 28.01.2026 § 3

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallo Spiehkkanlohpeohcamuš bearašdálu huksema várás.

Gieđahallanortnet dohkkehuvvui áššelisttu mielde ja dasa lasihuvvui ášši ságadoalli evttohusa mielde.

Gielddaráđdehus

§ 4

28.01.2026

Dili birra oanehaččat

Gr 28.01.2026 § 4

Gielddahoavda muitala áigeguovdilis áššiid birra oanehaččat:

Mearrádusevttohus

Merkejuvvo diehtun.

Mearrádus

Gielddahoavda evttohii áigeguovdilis áššiide dáid:

- boahttevaš ovdduidgohcinmátki Helssegii
- vuojadihállá divodanbargguid dilli
- Seitakartano divodanbargguid dilli
- čáskadanplána ráhkadeapmi

Merkejuvvui diehtun.

Gielddaráđđehus

§ 5

28.01.2026

Ruhtadili birra oanehaččat

Gr 28.01.2026 § 5

Mearrádusevttohus Guldalit oanehaččat ruhtadili.

Mearrádus Gielddahoavda mitalii ruhtadili birra oanehaččat.
Merkejuvvui diehtun.

Gielddaráđđehus

§ 6

28.01.2026

**Gávpenannejeaddji giddodatluohpadanalmmuhusat ja gieldda
ovdaoastinvuoigatvuoda geavaheapmi**

Gr 28.01.2026 § 6

Gildii leat boahtán 7 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea lassemateriálan.
Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahušiektái.

Gieldda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Gielddaráđdehus

§ 7

28.01.2026

Váldostivrra 17.12.2025 čoahkkima ollašuhttin

Gr 28.01.2026 § 7

7/00.02.00/2026

Gieldalága mielde gielddaráđdehus fuolaha váldostivrra mearrádusaid lágalašvuoda bearráigeahčus.

Jos gielddaráđdehus gávnna, ahte váldostivrra mearrádus lea dahkkon boasttoortnegeis dahje manná váldostivrra doaibmaválddi badjel dahje muđui lea lága vuostá, de gielddaráđdehus galgá guođdit mearrádusa ollašuitekeahtá. Ášši galgá dalán máhcahit ođđasit váldostivrra gieđahallamii.

Čuovusin váldostivrra čoahkkima áššelistu. Váldostivrra mearrádusat leat leamašan oaidnin láhkai 7.1.2026.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus gávnna, ahte váldostivrra mearrádusat leat lágalaččat ja ollašuhhttingelbbolaččat. Gielddaráđdehus čađaha ollašuhhtima.

Mearrádus Evttohus dohkkehuvvui.

Čuvvosat

Čuovus 1 Váldostivrra_17-12-2025_Bovdehus

Gielddaráđđehus

§ 8

28.01.2026

Gielddaráđđehusa giđa 2026 čoahkkimat

Gr 28.01.2026 § 8

4/00.02.01/2026

Ohcejoga gieldda hálddahunjuolggadusa 126 § mielde doaibmaorgána mearrida čoahkkimiiddis áiggi ja báikki.

Čoahkkin dollojuvvo maiddá dalle, go ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis dan ášši gieđahallama várás, man leat almmuhan. Dákkár dilis ságadoalli mearrida čoahkkináiggi.

Ságadoalli sáhtta ákkastallon siva geažil šluhttet čoahkkima.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida giđa 2026 áitosaš čoahkkinbeivviid 24.2.2026, 31.3.2026, 7.5.2026 ja 9.6.2026. Gielddaráđđehus sáhtta dárbbu mielde doallat badjelmearálaš čoahkkimiid. Čoahkkimat dollojit gielddadálus dii. 13.00 rájes hybridačoahkkimin.

Mearrádus Gielddahoavda evttohii, ahte 24.2.2026 čoahkkin álggahuvvo dii 15.00.

Evttohus dohkkehuvvui ságadoalli evttohusain.

Gielddaráđđehus

§ 9

28.01.2026

Ovddidanhoavdda virggi deavdin

Gr 28.01.2026 § 9
175/01.01.00.01/2025

Gielddaráđđehus almmuhii ovddidanhoavdda virggi ohcanláhka 2.12.2025 § 221. Ohcanalmmuhus biddjui gieldda www-siiddleide, Inarilaš-bláđđái ja Kuntrarekry ja Mol.fi bálvalusain.

Virggi ohcanáigi nogai 11.1.2026. Kuntarekry.fi -bálvalusa bokte bohte mearreáiggis 17 ohcamuša. Lassin 1 ohcamuš doaimmahuvvui šleađgapoasttain.

Ohcanalmmuhus ja ohcanáššegirjiid kopiiijat leat lassemateriálan. Álgoálgosaš ohcamušáššegirjiit leat oaidnin láhkai čoahkkimis.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus doallá jearahallamiid 4.-5.2.2026, ja daidda bovejuvvojit maidái áirasat mielde. Gielddaráđđehus addá vs. gielddahovdii vuoigatvuođa soahpat jearahallamiid geavatlaš ordnemiid birra ovtta jearahallamii bovejuvvon olbmui.

Mearrádus Gielddaráđđehus mearridii bovdet jearahallamii ohcciid: Salla Niemelä, Outi Pasanen, Veli-Matti Ruotsalainen, Mirja Savolainen, Reija Viinanen, Petri Honkanen ja Matti Yrjänä. Evttohus dohkkehuvvui muđui.

Gielddaráđđehus

§ 10

28.01.2026

Bušehta ollašuhhtinráva

Gr 28.01.2026 § 10

5/02.02.02/2026

Váldostivra lea čoahkkimis 17.12.2025 § 77 dohkkehan bušehta jahkái 2026 sihke ekonomiiaplánaid jagiide 2026 - 2028.

Hálddahunjuolggadusa 61 § mielde gielddaráđđehus galgá dohkkehit bušehta ollašuhhtinrávvaga váldostivrra bušehttagieđahallama maŋŋá.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha bušehta ollašuhhtinrávvaga jahkái 2026 nu mo lea čuvvosis.

Mearrádus

Evttohus dohkkehuvvui.

Čuvvosat

Čuovus 2 Bušehta ollašuhhtinráva

Gielddaráđdehus

§ 11

28.01.2026

Gielddaráđdehusa vuollásaš boadusovttadagaid mearreruhtajuohku, rehkegiid vuostáiváldin ja dohkkeheaddjiid nannen

Gr 28.01.2026 § 11
6/02.00.00/2026

Hálddahunjuolggadusa 61 § mielde gielddaráđdehus ja lávdegottit dohkkehit bušehtti vuodđuduvvi geavahanplánaidis.

Doaibmaorgána meroštallá duhtosiid ja rehkegiid vuostáiváldiid ja dohkkeheaddjiid dohkkehit bušeahta mielde.

Čoahkkimis lea oaidnin láhkai gielddaráđdehusa vuollásaš doaimmaid mearreruhtajuohku gielddaráđdehusa bušeahta mielde.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus nanne gielddaráđdehusa vuollásaš doaimmaid mearreruhtajuohkima ja nammada mearreruhtačuovvuma vástoolbmuid ja rehkegiid vuostáiváldiid ja dohkkeheaddjiid.

Mearrádus

Evttohus dohkkehuvvui.

Gielddaráđdehus

§ 12

28.01.2026

Stáhtaruhtaministeriija mearrádus gielddaid vuodđobálvalusaid stáhtaossodagas ja ruoktogieldabuhtadusa vuodđooasis jahkái 2026

Gr 28.01.2026 § 12
8/02.00.00/2026

Stáhtaruhtaministeriija lea gieldda vuodđobálvalusaid stáhtaossodagas addojuvvon lága 45 § vuodul miedihan gielddaide gielddaid vuodđobálvalusaid stáhtaossodaga ja mearridan gielddaid vearovuodđonuppástusain šaddan vearroboahtomanahusaid buhttemis jahkái 2026 mearrádusa 18.12.2025 VN/35064/2025 mielde (siidomateriálan).

Dan lassin stáhtaministeriija lea gieldda vuodđobálvalusaid stáhtaossodagas addojuvvon lága 35 § 6 momeantta vuodul mearridan gielddaid jagi 2026 ruoktogieldabuhtadusa vuodđooasis mearrádusa 18.12.2025 VN/35065/2025 mielde (siidomateriálan).

Jus gielda lea duhtameahttun stáhtaministeriija mearrádusaide, das lea gieldda vuodđobálvalusaid stáhtaossodagas addojuvvon lága 51 § vuodul vuoigatvuohta golmma mánotbaji siste das, go lea ožžon dieđu mearrádusas, dahkat čálalaš vuigengáibádusa stáhtaruhtaministeriijaid.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha stáhtaruhtaministeriija mearrádusa vuodđobálvalusaid stáhtaossodagas ja ruoktogieldabuhtadusa vuodđooasis jahkái 2026.

Mearrádus

Evttohus dohkkehuvvui.

Stivrenrávanuppástus, čuvgehusdoaibma

Gr 28.01.2026 § 13
87/00.01.01.00/2024

Ohcejoga gieldda stivrenráva lea dohkkehuvvon váldostivrras 17.12.2025. Čuvgehusdoaimma oasil gávnnahuvvui, ahte doaibmasuorggi ovddasvástádusa juohkima galgá dárkkálmahttit. Lasihit stivrenrávvagii § 19 Čuvgehusdoaimma bargoveahkaorganisašuvnna ja dan manjá paragrafanummárastimiid teknihkalaš nuppástussan.

§ 19 Čuvgehusdoaimma bargoveahkaorganisašuvdna

Buresveadjinhoavda

Jodiha čuvgehusa doaibmasuorggi, ja buresveadjima ja dearvvasvuoda ovddidanbarggu, mii lea gieldda ovddasvástádus. Čuvgehusa doaibmasuorgái gullá árrabajásgeassin, skuvlejupmi, nuoraid-, lihkadan- ja kulturbargu, girjeráđu ja rávesolbmuidskuvla.

Buresveadjinhoavda doaibmá čuvgehusdoaibmasuorggi hálddahushoavdan, čuvgehuslávdegotti áššemeannudeaddjin, ja son lea gieldda stivrenjoavkku lahttu. Gieldda bargosuodjalanhoavdan doaibmá buresveadjinhoavda.

Buresveadjinhoavda vástida

- čuvgehusa doaibmasuorggi ja buresveadjima ja dearvvasvuoda ovdánahttima bušeahta válmmaštallamis ja dohkkehuvvon bušeahta ollašuhttimis, čuovvumis ja raporteremis
- doaibmasuorggis doaimma gánnáhahttivuodas, ovddideamis ja jodiheamis
- doaibmasuorggis bargoveahka- ja ekonomijahálddahasas
- čanastatjoavkoovttasbarggus ja gulahallamis
- boarrásiid- ja lápmasiidráđi barggus
- skuvlasáhttomearrádusain ásahusaid ja čuvgehuslávdegotti linnjemiid mielde ja gaskaboddosaš skuvlasáhttomearrádusain, mat dahkkojit dearvvasvuoda sivaidda geažil.

Rektor

Vástida skuvllaid pedagogalaš jodiheamis ja hálddahusa ja doaimmaid jodiheamis ja skuvlaservoša dorvvolaš doaimmas mihttomeriid mielde.

Vástida ovda- ja vuodđooahpahusa / logahaga bargosuorggis, ekonomijja plánemis ja čuovvumis ja ovdánahtta bargosuorggi doaimmaid. Rektor vástida skuvllaid bargoplánain, lohkanortnegiin, statistihkain. Doaibmá hoavdan skuvllain, vástida

sadjásašordnedemiin ja oahpásmuhttimiin. Vástida skuvllaid dorvvolašvuodas, sajiin ja gálvvuid geavaheamis.

Dan lassin rektor

- vástida oahppogeatnegasvuoda ollašuvvamis ja dahká áššái gullevaš mearrádusaid vuodđooahpahusa / logahaga oahppiid oasil
 - váldá ovda- ja vuodđooahpahussii oahppiid / logahaga oahppiid
 - gohcá studeantta oahppogeatnegasvuoda čađaheami ja mearrida doaibmabijuin oahppogeatnegasvuoda healbademiid hárrái
 - vástida ruoktooahpahusas leahkki oahppi oahppogeatnegasvuoda ovdáneami gohcimis
 - vástida oahppama doarjaga, árvvoštallama ja oahppiidfuolahusa ordnema jodiheamis
 - dahká mearrádusaid oahppiid oahpahusa ordnemis, rángumis ja skuvlavázzimis
 - nanne oahppi / studeantta duodaštusa oahppomeari čađaheamis
 - mieđiha oahppái / studentii lobi gaskaboddosaš, badjel 5 beaivvi eretorrumii
 - mearrida ákkastallojuvvon sivas oahpahusbarggu almmolašvuoda ráddjemis
 - mearrida oahpaheaibargobeivviid ordnemis ja buhttemiin
 - vástida oahpaheidiehtoskoviin ja oahpaheaddjiid mearrejahkebajidanmearrádusain
 - vástida eahketbeaidoaimmas, jus dat ordnejuvvo gielddas / skuvllas
 - vástida ruovttu ja skuvlla gaskasaš ovtasbarggus
 - vástida iežas oasil čanasjoavkodoaimmas gieldda siskkáldas ja olgguldas ovtasbargofierpmádagain
- Rektora barggut ja bargoáigi heivehuvvo skuvllaid meari, sturrodaga ja erenomášbargguid mielde.

Veahkkehoavda

Mearrida daid skuvllaide guoski áššiin, maid buresveadjinhoavda ja rektor leaba mearridan veahkkehovdii ja mat skuvlla plána mielde dahje muđui gullet veahkkehovdii. Veahkkehoavda vástida iežas ovtadaga beaivválaš doaimmas.

Árrabajásgeassinhoavda

Vástida gieldda árrabajásgeassima ollislaš jodiheames. Barggus deattuhuvvojit pedagogalaš jodiheapmi, doaimma lágavuloš ja bargiid-, ekonomii- ja hálldahusjodiheapmi.

Árrabajásgeassinhoavda

- jodiha ja ovddida árrabajásgeassima pedagogalaš doaimma riikkaviidosas ja báikkálaš árrabajásgeassinplánaid mielde
- vástida pedagogalaš kvalitehta árvvoštallamis ja ovddideamis
- bagada, doarju ja gohcá pedagogalaš ollašuvvama ovtadagain ja fuolaha máná ovddu, ovtaveardásašvuoda ja inklušuvvna ollašuvvamis
- vástida árrabajásgeassima plánemis, gohcimis ja árvvoštallamis

Gielddaráđđehus

§ 13

28.01.2026

- bargá árrabajásgeassinovttadagaid bargiid hoavdan, vástida bargiidresurssain, máhtu ovdánahttimis, bargovuuruid plánema ollisvuodas ja sadjásašordnedemiin.
- vástida árrabajásgeassima ekonomiija plánemis, ollašuhttimis ja gohcimis
- dahká árrabajásgeassinmearrádusaid ja mearrádusaid áššehasmávssuin gustovaš lága ja čuvgehuslávdegotti linnjemiid mielde
- vástida sajiin ja gálvvuid geavaheamis ja doaibmanbirrasa dorvvolašvuodas ja dearvvaslašvuodas.
- vástida árrabajásgeassima fidnuin ja daidda gullevaš ovttasbarggus.
- vástida árrabajásgeassima áššehas- ja bargiidhálddahusa vuogádagaid geavaheamis ja ahte dat leat áiggi dásis.
- searvá dárbbu mielde árrabajásgeassima pedagogalaš doimmaide árrabajásgeassima bargguin

Asttuáiggekoordináhtor

Jodíha asttuáiggedoaimma, masa gullet nuoraid-, lihkan- ja kulturdoaimma ja girjeráđu.

Vástida árrabajásgeassima bargosuorggis, ekonomiija plánemis ja čuovvumis ja ovdánahtta bargosuorggi doimmaid. Vástida fidnuid ohcamis, daid ekonomiijas ja raporteremis. Vástida oasil asttuáiggedoaimma sajiin ja gálvvuid geavaheamis. Vástida iežas oasil čanasjoavkoovttasbarggus.

Doaibmá asttuáiggedoaimma bargiid hoavdan ja stivre ovttasbargofitnodatdoalliid.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha lasáhusa stivrenrávvagii čuvgehusdoaimmasuorggi ovddasvástádusa juohkimis ja evttoha ain váldostivrii dohkkehanláhka.

Mearrádus

Evttohus dohkkehuvvui.

Gielddaráđđehus

§ 14

28.01.2026

Stivrenrávanuppástus, ovddidan- ja birasdoaimma

Gr 28.01.2026 § 14
87/00.01.01.00/2024

Ohcejoga gieldda stivrenráva lea ođasmahtton ja dohkkehuvvon váldostivrras 17.12.2025. Váldostivrra čoahkkima maŋŋá lea šaddan dárbu čielggasmahttit stivrenrávvaga teknikkalaš doaimma buohta. Sihkkut dohkkehuvvon stivrenrávvagis 5 logus 24 § Gielddaráđđehusa barggut ja doaibmaváldi oasit 8-14 ja buhttet daid ná:

- huksenlága 57 § mielde spiehkkananlobi miediheapmi
- huksenlága 58 § mielde guvllolaš spiehkkananlobi mearrideapmi.

Stivrenrávvaga oassi 26 § Ovddidan- ja biraslávdegotti barggut ja doaibmaváldi sihkkovuvvojit oasit 11-24 ja buhttet daid ná: Ovddidan- ja biraslávdegoddi doaibmá huksenlága RakL 751/2023) ja dan ovdalaš eatnangeavahan- ja huksenlága mielde huksengohcin- ja lohpevirgeoapmahažžan. Ovddidan- ja biraslávdegotti čoavdin- ja doaibmaváldái gullá lassin RakL:a ja eará dan vuodul addon ásašusaidda ja mearrádusaidda áššit, maid doaibmaválddálaš bealli lea gielda, gieldda mearridan virgeoapmahaš dahje gieldalaš doaibmaorgána, earret RakL 57 § mielde spiehkkananlobi ja RakL 58 § mielde guvllolaš spiehkkanaseapmi. Ovddidan- ja biraslávdegoddi vástida guovlluideavahanlága (752/2023) njuolggadusaidda ja mearrádusaidda čuovvuma gohcimis huksenbearráigeahču virgeoapmahažžan.

Ovddidan- ja biraslávdegotti mearridanváldái gullet guovlluideavahanlága (752/2023) mielde geainnuid dikšun áššit. Ovddidan- ja biraslávdegoddi vástida čujuhusvuogádaga bajásdoallamis doaresbealeguovlluin sajádatlávaguovlluid olggobealde.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha nuppástusaidda válmmaštallama mielde ja evttoha daid ain váldostivrii dohkkehanláhkai.

Mearrádus

Evttohus dohkkehuvvui.

Gielddaráđđehus

§ 15

28.01.2026

Gáregasnjárgga boares dearvvasvuodadálu vuovdin

Gr 28.01.2026 § 15

2/02.07.00/2026

Lappi buresveadjinguovlu lea láigohan Gáregasnjárgga boares dearvvasvuodadálu 31.12.2025 rádjai, ja dán maŋŋá dat lea sirdásan ruovttoluotta gieldda fuolahussii. Dearvvasvuodadállu lea huksejuvvon jagis 1979 ja dasa lea biddjon eanaliekkas jagis 2015. Dálus lea dahkkon jagis 2018 tehnikkalaš árvoštallan das makkár ortnegis dállu lea. Árvoštallama lea dahkan Granlund Consulting fitnodat. Dállu lea dál guorus ja doppe lea alde vuodđoliekkas. Ohcejoga gielddas ii leat atnu dállui.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida, ahte Gáregasnjárgga boares dearvvasvuodadállu vuvdojuvvo almmolaš čuorvasgávppis. Gielddainšenevra meroštallá vuodđohatti, mii vuodđuduvvá materiálii, mii gávdno. Vuovdináigi galgá leat almmolaš čuorvasgávppis guokte mánotbaji. Vuovdináigi 16.2.-19.4.2026

Mearrádus

Evttohus dohkkehuvvui.

Gielddaráđđehus

§ 16

28.01.2026

Asunto Oy Rievanradnu lanjadaga vuovdin

Gr 28.01.2026 § 16

9/10.04.00/2026

Ohcejoga gielda oamasta Asunto Oy Rievanradnu nammasaš visteoasussearvvis 47 m² lanjadaga, mas lea 2 h + kk+ s. Juohke lanjadagas lea dan lassin galbma rádju 5-6,5 m². Ássanviesu čujuhus lea Ringi 6. Ássanviessu leamašan láigohuvvon gieldda bargiide guhkesáigge láigoheamis.

Go váldá vuhtii gieldda ekonomalaš dili, lea jierpmálaš figgat realiseret gildii vealttakehtes giddodagaid, biergasiid ja dál dán vistti.

Áššemeannudeaddji

Gielddahoavda Kontio Päivi

Mearrádusevttaus

Gielddaráđđehus mearrida, ahte Asunto Oy Rievanradnu oasusvisttit vuvdojuvvojit. Gielddaráđđehus fápmuda ovddidan- ja biraslávdegotti válmmaštallat oasusvisttiid vuovdima ja bivdit opmodatsoabadallis árvvoštallama oasusvisttiid árvvus. Oasusvisttiid hatti meroštallamis vuodđun geavahuvvo haddi, man opmodatsoabadalli meroštallá. Oasusvisttit vuvdojuvvojit rabas gávpin.

Mearrádus

Evttohus dohkkehuvvui.

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026

Vistebuvttadeami ovddidanguovlu Gieddemiellis

ealteknlg 24.04.2025 § 62

Válmmaštalli

Eallinfápmohoavda Tanja Lepistö

Ássama ođđasishuksen Ohcejogas lea leamaš manimus badjelaš vihtta jagi hui unnán. Kiinteistö Oy Ringinvatros lea alla geavahanmearri dan oamastan viesuin, ja fitnodagas eai leat makkárge plánat hukset ođđa viesuid lagaš boahhteáiggis. Gieldda viessovuodđu lea oppalaččat boaris ja viesut leat vánis.

Gidđat 2024 dahkkon ássama jearahallamis bođii ovdan, ahte dárbu lea vuollel 100 njealjehasmehtera viesuide sihke smávva bearašviesuide ja earenoamáš sávaldahkan lei johkaoainnus. Vástideaddjiin ledje ollu dakkárat, geat hálidit iešeaiggátlanjadaga.

Gielda lea čatnasan figgat turismma ovddideami vehkiin lasihit vearroboađuid miljovna euro, jos dat ollašuvvá dárkkuha ahte giddoatvearro-, dienasvearro- ja searvvušvearroboađut lassánit mearkkašahti ollu. Go ovddideapmi álggahuvvo de guvlui bohtet ođđa bargosajit nu turisma suorgái go eará doaibmasurggiide. Daningo Ohcejogas lea buorre bargodilli, de oaivvilduvvo ahte gielddas leat ođđa olbmot, mii fas lasiha viessodili buorideami dárbbu.

Ohcejoga gielda oamasta girkosiiddas giddodaga 890–401–82–0. Dan nuortta bealde lea giddodat 890–401–12–15 man oamasta Kiinteistö Oy Ringinvatro ja gos leat Ringinvatro ráidodálut ja maid Luondduriggodatguovddáša doaibmalanjat .

Gieddemiellis Ringinvatro ja priváhta eanaeaiggáda giddodagaid (890–401–82–1) huksehusaid gaskii báhcá eanaviidodat, hábme sullii 4700 m² oktilaš huksekeahtes viidodaga. Dat lea Ohcejoga gilis áidna gieldda dahje gieldda oamastan fitnodaga eanaviidodat mii lea Deanu gáttis.

Dán áššáiguoskevaš oktilaš eanaviidodahkii sáhtášii hukset 4–5 smávaviesu (viidodat 110 m² dahje unnit) biillasuodji/vuorkávisti, go vistit biddjojit doarrás johkagátte ektui.

Ráhkademiin dán namuhuvvon eanaviidodahkii ássanguovllu mas leat sullii vihtta smávva bearašviesu dahje eará viesut, masa válljet hukseheadji. Ná livččii vejolaš láchit positiivvalaš návcca gieldda viessohuksema ovddideapmái.

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026

Áššemeannudeaddji Eallinfápmohoavda Lepistö Tanja

Mearrádusevttohus Eallinfápmo- ja teknikkalaš lávdegoddi evttoha gielddaráđđehussii, ahte dat namuha dás válddahallon eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui.

Mearrádus Čoahkkimis dollojuvvui gaska dán ášši gieđahallama áigge dmu 15:20-15:27.
Pirjo Konttinen evttohii, ahte gv. eanaviidodat namuhuvvo vistebuvttadeami ovddidanguovlun mearreáigái, golbma (3) jagi. Anni Ahlakorpi, Kirsi-Marja Wargh, Mika Aikio, Eemeli Hekkanen ja Sammoli Lukkari guottiheđje Pirjo Konttisa evttohusa. Lávdegoddi dohkkehii ovttafielalaččat mearrádusevttohusa oktan Pirjo Konttisa evttohan lasáhusain.

Gr 05.05.2025 § 83
70/14.01.00/2025

Áššemeannudeaddji Gielddahoavda Päivi Kontio

Mearrádusevttohus Eallinfápmo- ja teknikkalaš lávdegoddi evttoha gielddaráđđehussii, ahte dat namuha dás válddahallon eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui. Namuheapmi lea mearreáigásaš 3 jahkái.

Mearrádus Gielddaráđđehus mearridii sirdit ášši gieđahallama 17.2.2025 čoahkkimii.

Gr 28.01.2026 § 17
70/14.01.00/2025

Ohcejoga gieldda lea sádden 21.12.2025 reivve “Láigolačča gullan eananláigohansoahpamuša opšuvdnaevtto geavaheames”. Ášši guoská 13.11.2013 ráhkaduvvon eananláigohansoahpamuša tonttes 890-401-82-0. Soahpamuš lea vuolláičállojuvvon ja ráhkaduvvon Ohcejoga gieldda ja Eräkontio gaskka.
Mearreáigái 14.1.2026 rádjai gieldda ii ožžon vástádusa Eräkontios ahte dat háliidivččii geavahit eananláigohansoahpamuša opšuvnna. Go gieldda ii leat ožžon vástádusa gullanbivdagii ovddabealde máinnašuvvon

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026

mearreáiggi siste, giella geahččá ahte dat lea deavdán eananláigohansoahpamuša gullangeatnegasvuoda. Dalle dulkot nu ahte láigolaš lea vástitkeahtá guođedettiin luohpan iežas gullanrievttis eananláigohansoahpamuša opšuvdnaeavttus.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada ovddidan- ja biraslávdegotti evttohan eanabihtá sullii viđa vistti vistebuvttadeami ovddidanguovlun, man doaibmabidju álggahuvvo. Nammadeapmi lea mearreáigásaš 3 jahkái.

Mearrádus Gielddaráđđehus mearridii ahte nammadeapmi lea mearreáigásaš 1 jahkái. Muđui evttohus dohkkehuvvui.

Gielddaráđđehus
Gielddaráđđehus

§ 190
§ 18

21.10.2025
28.01.2026

Skohtermáđii Sullamintie - Mantojärvi

Gr 21.10.2025 § 190

Kakslauttanen Arctic resort Oy ja Jussi Eiramo leat almmuhan , ahte háliidit ráđđádallat Sullamintie-Mantojärvi gielkáluoddasoahpamuša sirdimis gieldda nammii. Dát lea leamaš maiddái jurdda dalle, go namuhuvvon mohtorgielkáluotta leat álgán plánet, muhto dalle leat goitge mearridan juoga sivas dahje nuppis, ahte turismafitnodatdoalli váldá mohtorgielkáluotta iežas nammii. Ággan dasa, ahte gielda livččii váldán jearaldatvuloš báikki iežas nammii, lei dat, ahte dan geavahivčče earáge Ohcejoga turismafitnodagat ja maid gieldda olbmot. Gieldda olbmot ledje lassin plánen gielkáluotta johtit Ovllá gávppi lusa Ohcejoga guovddáži.

Gielkáluottas mii manná J. Eiramo heargevuodjinsajis Máttajávrrí gáddái báhpa beitosisbartii lea J. Eiramo ja Meahciráđđehusa gaskkas gielkáluoddasoahpamuš, mii nohká 2033 jagi loahpas. Dán luotta lea vejolaš buoridit nu mo 2023 čakčat dahkkon eanageahčadeamis lea ovdanbukton.

Čakčat 2025 goaivunmašiidnaagoartabargi lea fitnan geahččamin ja fuomášahtán ahte Máttaguokka ii dárbbas rasttildit goaivunmašiinnain numo ovdal lei plánejuvvon ja gielkáluotta ráhkadanbarggu várás bargoreaidduid sáhtá sirdit duoddara beale. Eahpečielggas goit vel lea Máttaguokka máttabealde geassit 2024 fuomášuvvon johkaskálžu dilli. Johkaskálžu lea meroštallon hui áitatvuložin ja dat lea erenoamážit suodjaluvvon ja ráfáidahttojuvvon šládja (LSA 2023/1066, čuovus 1 ja 6) man eaktodáhtolaš goddin dahje bivdin lea gildojuvvon Johkaskálžu lea dasa lassin EU luonddudirektiivva čuovus II ja V šládja, man buorre suodjalandási ferte viggat seailluhit dahje máhcahit. Ovdalis máinnašuvvon vuodul ELY-guovddáš lea cealkán cealkámušastis, ahte jearaldatvuloš linnjemis, huksemis ja geavaheamis galgá sihkkarastit, ahte johkaskálžu ii vaháguhtto. Linnjemis galgá dasa lassin váldit vuhtii vejolaš erošuvdnariskka johkamilliin ja sihkkarastit, ahte johtolaga huksen dahje geavaheapmi ii moive čázádaga.

Jos lea dárbu rasttildit Ohcejoga huksenáigodagas, de ávžžuha, ELY-guovddáš bargoreaidduid fievrredit dallego go jogas lea jiekŋa. Jos lea dárbu rasttildit joga mašiinnain geassečázi áigge, de galgá dan viidodaga masa mašiinna váikkuhus guoská, gártet johkaskálžžuid ja sihkkarastit ahte šládja suodjalanákkat eai riskerejuvvo. Jos johkaskálžu fuomášuvvo viidodagas gosa váikkuhus guoská , galgá sihkkarastit, ahte bargomuttuin šaddan čavgaávnasnoađi ja moivašuvvan eai vahágahte skálžžuid.

Gielddaráđdehus
Gielddaráđdehus

§ 190
§ 18

21.10.2025
28.01.2026

Ely-guovddázis ja Meahciráđdehusas ožžojuvvon dieđuid vuodul, Máttaguokkas eai leat johkaskálžžut gártejuvvon geassit 2025. Ášši gal ain čielggaduvvo .

Áššemeannudeaddji

Gielddahoavda Päivi Kontio

Mearrádusevttohus

Gielddaráđdehus ságastallá gielkáluotta sirdimis turismafitnodatdoallis gildii ja mearrida ságastallama vuodul joatkkadoaimbajui.

Čoahkkimis addojuvvon mearrádusevttohus

Gielddaráđdehus mearrida, ahte gielkáluotta válmmaštallan gildii jotkojuvvo čuovvovaš eavttuiguin:

- Gildii eai oaččo šaddat gielkáluotta sirdimis golut
- Vejolaš bajásdoalu galgá gokčat geavahanmávssuiguin
- lešguđetlágan ovddasvástádusáššiid gielkáluotta bajásdoalus berre čielggadit ovdal mearrádusa dahkama
- Joatkkaválmmaštallamis vástida gielddahoavda ovtas tehnikkalaš doaimmain
- Evttohus buktojuvvo gielddaráđdehussii njukčamánu 2026 loahpa rádjai.

Mearrádus

Čoahkkimis addojuvvon mearrádusevttohus dohkkehuvvui.

Merkejuvvui beavdegirjái, ahte ovdal mearrádusa dahkama dollojuvvui boddu dmu 13.35-13.45. Bottu maŋŋá ságadoalli čađahii nammačuorvuma ja gávnnavuvvui, ahte čoahkkimis leat mielde ain seamma olbmot go álgosaš nammačuorvumis

Gr 28.01.2026 § 18
155/00.04.00/2025

Gielkáluotta sirdin gieldda nammii, go geavahanvuoigatvuohtasoahpamušbadji lea gaskan, lea vejolaš jus guktot oassebealit nappo giella ja gielkáluotta geavahanvuoigatvuođa oamasteaddji fitnodat almmuhit áššis Meahciráđdehussii. Luotta vuodđoláigu lea 500 € kaleandarjagis ja dat lea čadnojuvvon eallingolloindeksii. Dan sáhtašii gokčat luotta geavahanmávssuiguin.

Áššis galgá earuhit luotta ja máđija.

Gielkáluotta vuodđudeapmi (eahpervirggálaš luodda)

Gielddaráđđehus
Gielddaráđđehus

§ 190
§ 18

21.10.2025
28.01.2026

“Gielkáluodda” lea dábálaččat eahpevirggálaš jođáhat, mii vuodđuduvvá eanaeaiggáda miehtamii dahje lohpaí. Dákkár luotta alde johtimii heivehuvvojit eanadagas johtima njuolggadusat, ja vuodjimii dárbbasuvvo dábálaččat lobi miediheaddji (luotta doalli) sierra lohpi.

Eanaeaiggáda lohpi: Eanadagas, maiddáí bealdduin ja stáhta eatnamiin, mohtorgielkkáin johtimii dárbbasuvvo álo eanaeaiggáda dahje eatnama hálddašeaddji lohpi. Stáhta eatnamiin lobi miediha dábálaččat Meahciráđđehus.

Virggálaš gielkámáđija vuodđudeapmi (mii vuodđuduvvá láhkii) Virggálaš gielkámáđii lea geaidnojohtolatlágas oaivvilduvvon geaidnu. Dat lea oaivvilduvvon bistevaš gielkájohtolahkii, mas leat čavvgat gáibádusat ja virggálaš proseassa. Máđija sáhtá vuodđudit jus dat dárbbasuvvo almmolaš johtolatoktavuođa dahje virkkosmangeavaheami dihtii, iige dat hehte mearkkašahtti láhkai eanaeaiggáda dahje boazodoalu.

Proseassa ovdána dábálaččat ná:

1. Máđiiplána: Máđija vuodđudeami ovdal galgá dahkat čálalaš máđiiplána, man dohkkeheamis mearrida gielda birassuodjalanviergeoapmahaš. Plánas meroštallo gokko máđii johtá, bisánan- ja fuolahanguovllut ja giddodagat, maid bokte máđii johtá.
2. Soahpamuš dahje doaimmahus:
Soahpamuššii vuodđuduvvi máđii: Máđii vuodđuduvvo čálalaš soahpamušain eanaeaiggáda ja máđija doalli gaskkas.
Soahpamuššii vuodđuduvvi máđija sáhtá bivdagis merket giddodatregistarii.
Máđijadoaimmahus: Jus máđii vuodđuduvvo buot eanaeaiggádiid miehtama haga almmolaš dárbbu várás, galgá ohcat máđijadoaimmaha eananmihtidanlágádusas jagi siste das go máđiiplána lea boahtán lágalaččat fápmui.
3. Golut ja buhtadusat: Máđija doalli vástida dábálaččat doaimmahangoluin ja vejolaš hehttehus- dahje vahátbuhtadusain eanaeaiggádiidda dahje bálgosii boazodoalloguovllus.
4. Eanadahkii merken: Máđija doalli oažžu váldit máđija atnui, go plána lea lágafámolaš, buhtadusat leat máksojuvvon ja máđii lea merkejuvvon eanadahkii áššáigullelaš mearkkaiguin.

Eastagat máđija vuodđudeapmái:

Gielkámáđija sáhtá vuodđudit fuolakeahtá eanaguovllu dahje čáhceguovllu oamasteaddji dahje hálddašeaddji miehtamis, jus máđija vuodđudeapmi lea dárbbaslaš almmolaš johtolatoktavuođa ráhkadeami dihtii dahje almmolaš virkkosmandoaimma dáfus iige máđii hehte eanaguovllu oamasteaddji dahje hálddašeaddji iige boazodoalu mearkkašahtti láhkai.

Gielddaráđđehus	§ 190	21.10.2025
Gielddaráđđehus	§ 18	28.01.2026

Jus giella mearrida ahte dát luodda sirdojuvvo gieldda nammii, investerenpláanas lea várrejuvvon mearreruhta luotta divvumii geavahanortnegii. Gielkáluotta dikšumis vástidivččii ovddidan- ja birasdoaibma ja dat váldošii vuhtii jagi 2027 bušeahtas.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida áššis čoahkkimis čielggadeami vuodul.

Mearrádus Gielddaráđđehus mearridii ahte gielkáluotta sirdin gildii dohkkehuvvo. Gielddaráđđehus fápmudii gielddahoavdda dikšut geavatlaš áššiid ja soahpamušaid.

Gielddaráđdehus

§ 19

28.01.2026

Doaibmaorgánaid mearrádusat

Gr 28.01.2026 § 19

Lávdegottiid beavdegirjiit galget doaimmahuvvot gielddahovdii njealji beaivvi siste beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhtta dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavadis gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinbáikkis: Eallinfápmo- ja tehnikkalaš lávdegoddi 15.12.2025, Čuvgehuslávdegoddi 16.12.2025 ja Ovddidan- ja biraslávdegoddi 22.1.2026.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđdehus

§ 20

28.01.2026

Áššit diehtun

Gr 28.01.2026 § 20

Mearrádusevttohus Gielddaráđdehus merke diehtun čuovvovaš áššebáhpáriid:

EBJ Lappi - Huksensuodjalusmearrádus, Ohcejoga ovddeš
polesstášuvdna, Ohcejohka

Anára gielda - Lahtuid nammadeapmi teknikkalaš lávdegotti vuollásaš
birasjuhkoššii doaibmabadjái 1.6.2025-31.5.2029

Lappi buresveadjinguovlu - Seangaossodatbáikkiid dárbu lea geahppanan -
geavahanmearri ii badjánivččii krihtalaččat
- Guovlohálddahuš dohkkehii Mehiläis-soahpamuša
eretcealkima ja gáibida Lappi guovddášbuohcceviesu buoridit
gánnáhahttivuođas
- Guovlohálddahuš joatká bušeahta gieđahallama 3.12.2025
- Guovlohálddahuš čoaikkindieđáhuš 3.12.2025
- Guovlohálddahuš evttoha bušeahta, mii lea dán muttus 6
miljoynna minusis: Doaibmangolut geahppaneamen hattiid ja
bálkkáid badjáneamis fuolakeahtá
- Guovlohálddahuš čoaikkindieđáhuš 8.12.2025
- Guovlohálddahuš čoaikkindieđáhuš 15.12.2025

Lappi lihttu - Beavdegirjii válddus; Lappi lihtu bušeahta 2026 ja
ekonomiijaplána 2027-2028
- Lappi lihttu váldostivrra beavdegirji 1.12.2025
- Lappi lihttu stivrra beavdegirji 15.12.2025
- Lappi lihttu dohkkehii Lappi-soahpamuša ja evttohuvvon
bušeahta jahkái 2026

Meahciráđdehus - Spiehkaseapmi ráfáidahtton ealánšlaja ráfáidahttimis, lohpi
spiehkkašit ráfáidahttinjuolggadusain johkaskálžžu buohta,
Lappi eanangoddi, meaerrádus LAPELY/4413/2025

Soađegili gielda - Davvi- ja Nuorta-Lappi barggolašvuodaguovllujuhkosa
beavdegirji 27.11.2025
- Gáregasnjárgga biokompostora guovllu dárkkisteapmi
6.8.2025
- Birasjuhkosa beavdegirji 11.12.2025

Gielddaráđdehus

§ 20

28.01.2026

Stáhtaruhtaministeriija - Gielddaid árvvoštallanvuloš stáhtaossodaga bajideami
mieđiheapmi jagi 2025

Mearrádus

Merkejuvvojedje diehtun.

Spiehkkanlohpeohcamuš bearašdálu huksema várás

Gr 28.01.2026 § 21
12/10.03.00.07/2026

Giddodaga 890-402-9-15 JALVE mearreviidodahkii, man leat juohkimin, lea guđđojuvvon huksenlága (RakL) 57 § mielde spiehkkanlohpeohcamuš spiehkkanit gáddesajádatláva mearrádusain 214 k-m² bearašdálu huksema várás. Guovlluideavahanlága (AkL) 58 § mielde huksenčuožáhaga ii oaččo hukset sajádatlága vuostá ja RakL 44 § mielde sajasteami eaktun lea ahte huksenprošeakta čuovvu sajádatláva. RakL 57 § mielde gielda sáhttá erenomáš sivas mieđihit lobi spiehkkanit guovlluideavahanlágas ásaheuvvon dahje dan vuođu addojuvvon ja dán lágas ásaheuvvon dahje dan vuođu addojuvvon njuolggadusas, mearrádusas, gildosis dahje eará ráddjehusas.

Plánejuvvon huksenbáiki lea Vuollegeavgná gáddeláva eanan-, meahcce-, ja luonddudállodoalloguovllus (M-1), masa ii leat gáddelávas addojuvvon huksenvuoigatvuohta. Mearreviidodat, mii juhkkovuvvo, lea 3000 m². Huksenbáiki ii ole gáddái. Huksenbáikki bálddas lea gáddelávas čujuhuvvon eanadáluid dálloallovisttiid koartilguovlu (AM/s) huksenvuoigatvuođain, man biras seailluhuvvo. AM/s-guovllus lea gáddeláva ja gustovaš gáddeoasseoppalašláva lávvamearrádusaid mielde suodjaluvvon čuožáhagat ja kulturhistorjjálaččat mávssolaš visttit, maid ii oaččo burgit. Dan lassin huksenbáikki lahka davábealde lea dološmuiguovlu. Plánejuvvon visti lea 214 k-m² bearašdállo, mas leat guokte gearddi. Olggobealli lea ohcamuša mielde antihkavilges muorra ja čáhcegáhttun punamulta-ivdnásaš spellegáhttu. Bázahusčáziid giedahallama várás huksejuvvo huksenbáikái iežas bázahusčáhcevuogádat. Johtu ordnejuvvo AM/s-guovllu boares dálu šilju bokte. Ohcci oamasta maiddái boares dálu giddodaga. Huksenbáiki lea III luohká bodnečáhceguovllus, mávssolaš buolžaguovllus ja riikkaviidosáčat mávssolaš duovdagis.

Ohcci lea ákkastallan spiehkkanseami ja huksenbáikki válljema ee. dainna ahte eananvuođu heive bures huksemii ja boares kulturhistorjjálaš visttit seilot šiljus, jus ođđa dállu huksejuvvo AM/s-guovllu olggobeallai. Buoret allodagas dulveáitaga hárrái ja guhkit gaskkain ráfehis museageaidnui, plánejuvvon huksenbáiki ii leat áibbas guoskkatmeahtun ja das leat goivon čievrra 1950-logus ja báikki historjjá áigge.

Ohcci lea gullan ránnjaid ja daid geaid ássamii, bargui dahje eará diliide huksenprošeakta sáhttá váikkuhit mearkkašahhti láhkai. Muittuhusat eai leat boahtán. Ohcamušas leat bivdán cealkámušaid Lappi ELY-guovddážis, Sámemusea Siiddas, lávvejeadjis ja

gieldda birasgáhtteneiseválddis. Cealkámušaid bivdima áigge bearašdálu viidodat lei 260 m2.

Lappi ELY-guovddáš lohka cealkámušastis ee. ahte ránes bázahusčáziiidge eanagiedahallan ii leat vejolaš bodnečáhceguovllus, muhto doaibmaválddálaš eiseváldi bázahusčáhceáššiin lea Ohcejoga gieldda birasgáhtteneiseváldi. Lappi ELY-guovddáša oainnu mielde huksema galggašii čoavdit lávvemiin. Sámemusea Siida lohka cealkámušastis ee. ahte plánejuvvon ivnnit galggašedje heivet šilljobirrasa eará visttiide. Dálu huksemis eai oro leamen mearkkašahtti váikkuhusat duovdagii dahje museageainnu árvvuide, go ođđa viesu huksen dáhpáhuvvá boares šilljobirrasa oktavuhtii, boarrásut visttiid duohkái joga ja geainnu guovllus bealddu badjel geahčadettiin. Vistti báikkis dološmuittuid oasil lea ságastallon sihke Sámemusea Siiddain ja Musealágádusain ovdal huksenbáikki mearrideami. Leat gávnnan ahte huksenbáiki lea dološmuittoguovllu olggobealde. Lávvejeaddji doarju cealkámušastis spiehkaseami miediheami. Gieldda birasgáhtteneiseválddi cealkámuša mielde ođđa cealkámuša galgá bivdit jus dán giddodahkii ohccojuvvo aitosaš huksenlohpi.

Sajádattevnnet ja sajádatkárta leat siidomateriálan. Materiála lea oaidninláhka čeahkkimis.

Heivehuvvon riektarávvagat
Guovlluideavahanláhka 43 §, 58 § ja 72 §
Huksenláhka 44 §, 57 §, 64 §, 67 § ja 187 §

Válmmaštalli

Huksendárkkisteaddji Joni Kiemunki, Soađegili gielda

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus miediha ohccojuvvon spiehkkananlobi.

Spiehkkananlobi miediheami ággan lea ahte dán dáhpáhusas eai oainne ahte huksen hehte lávvema, láva ollašuvvama dahje guovlluid geavaheami eará ordnema, iige hehte luonddugáhttema dahje huksejuvvon birrasa suodjaleami mihttomeriid ollašuvvama. Prošeakta ii oaččo áigái mearkkašahtti huksema dahje muđui dagat mearkkašahtti vahátlaš biras- dahje eará váikkuhusaid gv. huksenbáikkis. Dan lassin ohcci lea ovdanbuktán spiehkkananlohpi érenomáš sivaidda ja ákkaid.

Ovdan huksenbarggu álggaheami galgá ohcat aitosaš huksenlobi 2 jagi siste dán mearrádusa addimis, man giedahallama oktavuodas dutkojuvvojit lobi miediheapmái guoski eará lágas ásahuvvon eavttut. Bázahusčáhcesystemat galget deavdit Ohcejoga gieldda birasgáhttenmearrádusaid ja bázahusčáhcesystema tárjkaide galgá bidjat badjelmearedievvama alárpmat. Huksema bodnečáhceguovllus galgá ollašuhhtit nu ahte mearkkašahtti

Gielddaráđđehus

§ 21

28.01.2026

eananfievrredan- ja rogganbarggut eai dárbbášuvvo. Huksekeahtes huksenbáikki osiid galgá gieđahallat nu lunddolaččat go lea vejolaš. Huksema, rávarokkiid goaivumiid ja eanagoaivuma galgá dahkat dan láhkai, ahte dat eai nuppástuhte vuodđočázi kvalitehta dahje vuodđočázi gieraallodaga bissovaččat. Huksedettiin galgá váruhit vahágahttimis dološmuittuid. Dan lassin galgá sihkkarastit, ahte buohkat geat barget guovllus dihtet dološmuittus.

Mearrádus

Válmmaštalli Joni Kiemunki ovdanbuvttii ášši gielddaráđđehusa lahtuide.

Evttohus dohkkehuvvui.

Nuppástusohcanráva guoská paragrafaid: § 1, § 2, § 3, § 4, § 5, § 7, § 8, § 9, § 10, § 13, § 14, § 19, § 20

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 6, § 11, § 12, § 15, § 16, § 17, § 18

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (*áššáiosolaš*), ja lassii
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi manimus beaivve ovdal, go registrerenkantuvra giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi manimus beaivi lea iehčanasvuodabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan manjá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga gielddaráđdehus

Registrerenkantuvrra oktavuohtadieđut:

Boastačujuhus:	PL 41, 99981 OHCEJOHKA
Uksačujuhus:	Luossa 1a, 99980 OHCEJOHKA
E-boasta:	kunnanvirasto@utsjoki.fi
Telefonnummir:	+358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maidái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuohtadiehtun maidái e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhhtá bivdit Ohcejoga gieldda registrerenkantuvrras.

Beavdegirji lea 4.2.2026 dolvojuvvon oaidninláhkai almmolaš diehtofierbmái čujuhussii www.utsjoki.fi.

Nuppástusohcanráva guoská paragrafaid: § 21**VÁIDDAČUJUJUS**

Dán mearrádussii ohccojuvvo nuppástus hálddahusváidagiin.

Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra ásahuvvo. Eiseváldi oažžu ohcat nuppástusa váidimiin maiddái, jos váidimii lea dárbu almmolaš ovddu dihte, man eiseváldi gohcá.

Váidináigi

Váidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Gehččojuvvo goittotge, ahte *eiseváldi* lea ožžon mearrádusas dieđu dan beaivve, go reive lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmmát beaivve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi maŋimus beaivi lea bassebeaivi, iehčanasvuođabeaivi, válborbeaivi, juovla- dahje jonssotruohtta dahje árgalávvardat, de váidaga oažžu doaimmahit váiddaeiseváldái vuosttas árgabeaivve dan maŋná.

Váiddaeiseváldi

Váidda dahkkojuvvo Davvi-Suoma hálddahusriektái

Boastačujuhús: PL 189, 90101 OULU
Uksačujuhús: Torikatu 34-40, Oulu
Telefonnummir: 029 564 2800
E-boasta: pohjois-suomi.hao@oikeus.fi

Váidaga sáhtta dahkat maid hálddahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

Váidaga hápmi ja sisdoallu

Váidaga galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (*váidinvuloš mearrádus*);
- 2) man dáfus mearrádussii ohcá nuppástusa ja maid nuppástusaid dasa gáibida (*gáibádusat*);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddái su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálddahuosduopmostullui farggamusat.

Váidagis galgá almmuhit maiddái dan boastačujuhusa ja vejolaš eará čujuhusa, masa riektegeavvama áššegirjiid sáhtá sáddet (*proseassačujuhus*). Jos váidi lea almmuhan eambbo go ovtta proseassačujuhusa, de hálddahuosduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eisevárdái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

Beavdegirji

Mearrádusa guoskevaš beavdegirjii váldosiid ja mildosiid sáhtá bivdit Ohcejoga gieldda registrerenkantuvrras.

Boastačujuhus: PL 41, 99981 OHCEJOHKA

Uksačujuhush: Luossa 1a Ohcejohka
E-boasta: kunnanvirasto@utsjoki.fi
Telefonnummir: 040 188 6111

Girjenkantuvra lea rabas vuossárggas bearjadahkii dii. 9.00 – 15.00.

Beavdegirji lea 4.2.2026 dolvojuvvon oaidninláhka almmolaš diehtofierbmái čujuhussii www.utsjoki.fi.